

حيات

مېانه داما مېانه... رېبانه داهه مېوه حيات فانالم...!

اداره مرکزی :

آفقره ده ، استانبول جاده سنده آفقره
معارف امینلکي پاشده کی دایره

استانبول بوروسی :

استانبولده ، باب عالی جاده سنده ۱۱۹ نومرولو
دائرة مخصوصه
تلفون : ۳۶۷

نسخه سی هربرده ۱۰ غرورده

سنه لکي بوسته ايله ۵ لیرا .
(اجنئی مملکتلر ایچین ۴ دولار)

ایونه واعلان ایشلری ایچین استانبول بوروسه
مراجعت ایدیلیر .
یازی ایشلرینک مرجعی آفقره مرکزیدر .

صافی : ۱۹

آفقره ، ۷ ، نیسان ، ۱۹۲۷

۱ نجی جلد



مستقبل علم و صنعت مؤسسه لر من

- معارف وکیلزك صوك بیاناتی مناسبه -

اوروپاده کی تدقیق سیاحتندن دونن معارف وکیلز ، معارفز حقنده کی قیمتی مطالعه لری آراسنده برده بویوک تبشیرده بولونیور : ملی حرثه عاظم مؤسسه لره بوندن صوکر اداها بویوک بر اهمیت ویرله جک و حکومت مرکز مزده دارالفنون ، موزه ، ملی کتبخانه ، ملی تیاترو کبی تورک ملتک شرف و قدرتیله متناسب معظم علم و صنعت مؤسسه لری وجوده کتیر یله جک ! بر ملتک معنوی و مدنی موجودیتنی تمثیل ایدن بو بویوک مؤسسه لر ایچون ملتک هیچ برفدا کارلقدن چکینمه جکی طبعیدر . بناء علیه ، معارف وکیلزك بومعظم ملی ایشی موفقیتله ایفا واکال ایده جکمه شیمیدین قانغز . آفقره ده یکی بر دارالفنون ، یکی بر موزه ، یکی بر تیاترو ، یکی بر کتبخانه و بونلرله علاقه دار دیگر علم و صنعت مؤسسه لری وجوده کلدیکی زمان ، آناتولی تورک لکی ایچون یکی بر مدنی انکشاف دوره سی آچیلجق ، « آفقره » یالکز سیاست دکل ، علماده تورکیه نك مرکزی اولاجقدر .

آجی اولقله برابر اعترافه مجبورزکه ، مدنی موجودیتی تمثیل ایدن علم و صنعت مؤسسه لری خصوصنده ، سائر ملتله نظراً چوق ، پک چوق فقیرز . استبداد دوری بو جنس مؤسسه لره قیمت ویرمک شویله دورسون ، ملی حرثه عاظم هر تشبک محوی ایچون چیلغینجه سنه چالیشمیشدی .

مشروطیت سنه لرنده ده بو خصوصده بویوک برشی یاپیلامادی . کوچوک برخاطره اولق اوزره نقل ایدهیم : ۱۹۱۵ ده تأسیس ایتک ایسته دیکمز « تورکیات انجمنی » ، اوزمانک هیئت وکلاسی طرفندن اسمی « آثار اسلامیة و ملیة تدقیق انجمنی » نه تحویل ایدیلک صورتیله میدانه حقیقه یلمش ایدی ... دارالفنونمز باشد اولق اوزره علم و صنعت مؤسسه لر مکزک جانلانمغه باشلامه سی و حکومتجه بو مؤسسه لره اهمیت و قیمت ویریله سی ، آنجاق جمهوریت اداره سنده قابل اولدی . فقط ، بوکا رغماً ، بر چوق مدنی مؤسسه لر دن هنوز محروم بولوندیغمز و آلزده . کیلرکده داهه پک چوق همت ایسته دیکی محققدر . مثلاً عمومی بر کتبخانه مز ، ملی موزه مز ، ملی تیاترو مز ، خزینه اوراقز حالایوق .. آرکا اولوزی ، اتنوگرافی کبی علم شعبه لریله متوغل بر تک آداممز موجود دکل ... ملی حرثه عاظم تدقیقات ، برایکی ساحه مستثنا اولق اوزره ، ابتدائی بر حاله ... رسم و هیکل تراشی ، معماری ، تماشا ساحه لرنده چوق بویوک بر فعالیتیه احتیاج وار .. ایشته ، آنجاق آفقره ده قورولاجق اولان وقوتلی یکی علم و صنعت مؤسسه لر من سایه سنده ، بونقصانلر منی تلافی به ، بو ملی احتیاجلری قطنینه چالیشمق قابل اولاجقدر .

بعضیلری ، آفقره ده یکی علم مؤسسه لری وجوده کتیر یله سنک استانبولده کی نمائل مؤسسه لرک ضررینه اوله جغنی ظن ایدیورلر . بو ظنک بر « غلط رؤیت » دن ایلری کلدیکنی آچیقجه سویله یه ییلیرز . نمائل علم مؤسسه لری بر برینک « رقیبی » دکل ، « متمم » یدر ؛ هر هانکی بر علم شعبه سنه مملکتده ویریلن اهمیت چو غالدجه ، اوکا عاظم مؤسسه لرده چو غالیر . « اسکی مؤسسه »

ایچونک چوق سهوینه جک جهت ، کندی ایچندن « یکی بر مؤسسه » دوغوره بیلیم قدرتی کوستره سیدر . استانبول دارالفنونی مثلاً یارین « آفقره » ده ایکنجی ، اوبرکون « از میر » ده اوچنجی بر دارالفنون وجوده کلدیکنی کورورسه ، تورکیه نك اسکی دارالفنونی اولق حیثیتیه بویکی تشککلردن کندیسی ایچون بویوک بر غرور و افتخار حصه سی چیقارمقده حقلیدر . (۱۹۱۹) ده استانبول دارالفنون علمی مختاریتی قازاندینی زمان ، ایلک تشککل ایدن دارالفنون دیوانی ، « آناتولینک اورتاسنده ایکنجی بر دارالفنون تأسیسی لزومنه حکومتک نظر دقتی جلب ایتمه یی » متفقاً قرارلاشدرمشدی . ساقط ایمراطورلق دورنده بیله کندیخی دیوران بو احتیاج ، « آفقره » مرکز اولق اوزره تاسیس ایدن ملی جمهوریت دورنده آرتق داهه فضله ایهال ایدیله مز . بوا ملک تحققة چالیشمق ، بوتون تورک منورلری ایچون ملی بروطفه در ؛ استانبول دارالفنونک بو خصوصده عهده سنه ترتب ایدن وظیفه یی تمامیه ایفا ایده جکندن اصلاً شبه ایتمه ملیدر .

۱۹۲۳ ده « آفقره » ده ایلک دفعه طوبلا . نان معارف هیئت علمیه سنده بومسئله موضوع بحث اولدینی زمان ، بویوک کثرت « آفقره » ده ملی علم و صنعت مؤسسه لری وجوده کتیرمک لزومنده اتفاق ایتشدی . بنده بو فکرک اک حرارتلی مدافع لرندن بری حتی بو خصوصده کی پروژه نك محرری ایدم . لکن ، اوزمانده ، بویوک تشبک معین و اطرافلی بریلان دائره سنده ، و مادی تطبیقه معنوی بوتون وساطتی حاضر لانه رق تمامیه « عصری » و « متکامل » بر شکلده موقع مرعیه قونولماسی لزومنده اصرار ایتشدم .



نورک جو جوغی . — حمایت اطفال جمعیتی طرفندن

نشر ایدیلن بو مجموعہ نك صوك نسخہ سی ، غایہ سی داخلندہ مفید مقالہ لرلہ انتشار ایتدی . حامدك ، چوجوقلری حمایت وظیفہ سنك قیمتہ عائد بر مکتوب ایله باشلایان برنجی یازیدن سوکرا بر عائلہ حکیمك هر عائلہ ایچون لازم و مهم بر عنصر اولدیغنی ، (سنده بر ایکی دفعہ داملرمنی ؛ صوبالرمنی ، البسہ لرمزہ وارنجیہ قادار هر شیمزی ، قاعزی قالاغزی معاینہ و مراقبہ ایندیررکن صحت و حیاتی ہیچ مطرد مراقبہ ده بولدی برماقی جدا متأثر اولوناجق لاقیدلکلردن بولندیغنی) آکلانان امضاسز بر مقالہ وار . دو قنور قزاد بك مدنی مملکتلرده ، آمریقادہ ، چوجوق بارقلرینك صبی واجتماعی تربیوی فایدالرینی آکلایور . احمد راسم بلك غداسز چوجوقلرہ عائد خاطرہ لرینی ، سلیم سری بلك (ایکی یاشندن آلتیدہ قادار چوجوقلرک تربیہ بدنیہ سی) تعقیب ایدیور . چوجوق روحیات و تربیہ سنك عملی برمدافنی اولان « نورک جو جوغی » مجموعہ سی ، وظیفہ سی جدا مکمل بر صورتہ ایفا ایتکده در . اسکی جمعیتک سراینہ مخصوص امتیازلری چوجوغہ لایق کورہن بوصورتہ اولنك قیمتی بحق تقدیر ایدن معاصر جمعیتلردن بری اولنك ایستہ بوسق چوجوق تربیہ سنہ ، تربیہ اطفالہ فوق العادہ رعایتکار اولنك مجبوریندہ بز . ایستہ « نورک جو جوغی » شیمدی به قادار چقان آلتی صایسی ایله جمهوریت مراکزندہ بو وظیفہ بی لایق اولدیغنی شعور ایله تعقیب ایتکده در .

معلم برلکی . — طبع مشکلاتندن طولانی

شیمدی به قادار استانبولده باصیلان ، فقط بعدما آنقرہ ده جیقاچق اولان آنقرہ « معلم برلکی » مجموعہ سنك صوك نسخہ سی ؛ مختلف موضوعلرہ عائد مقالہ لرلہ ہفتہ چیقدی .

ایلك مقالہ ده احسان بك « مجبوری تحصیل مسالہ سی » اوزرندہ دوشونمکده ، بزده بونك تاریخہ عائد معلومات ویرمکده در . نامق کمال ، مجبوری تحصیل حقندہ صدراعظم عالی پاشایہ ویردیکی لایجہ ده شایان دقت فکرلر سرد ایدیور . آمریقادہ « دوام اداره سی » تشکیلانی ، ده موقراسی انکشافنك متوقف اولدیغنی بومہم وضعیتہ صبی صبی علاقہ دارد . ایتالیادہ کی ایلك تدریسات قانوننہ عائد کوچوک بر مقالہ دن وضبا امین بلك « قهرمانلر » سرلوحہ لی بر شرندن سوکر رفعت نجدت بلك « مونہ سسوری » تربیہ سندن قیصہ جہ بحث ایدن ، اساسی مطالعہ لرلی کلہ جك مقالہ لرہ بر اقان حسب حالنی کوربیورز . احوال جوہیہ عائد تاریخی برتدقیق ترجمہ ایدیلرک نشر اولونان مجار دو قنور « رتیلی » ، قارلرینی بوساحہ ده کندینہ یاردیمہ دعوت ایدیور . « چونکہ ، دیور ، تورکیہ ده شایان اعتماد بر آفات سماویہ ایستاتیسیتی

بولنہ بونك تخمیناً نوزمان و فصل فاصلا لرلہ تکرر ایدہ جکنی وبالخاصہ هانکی ساحہ ده تحریبات یاپہ جقنی تثبیت ممکن اولور . « ادبیات تاریخی تدریساتنہ دائر بر مصاحبہ ایله نہایت بولان « معلم برلکی » کندی مسلکی داخلندہ آز و جوق غایہ وی بر فعالیت عرض ایتکده در .

دوینور و درشیم . — سیواسدہ تعلیم زمردہ سی

طرفندن جیقاریلان بوعلم و تربیہ مجموعہ سنك اداره . خانہ مزہ کلن صوك اوچنجی نسخہ سنده ده گرلی یازیلر وارد . ع . نوزاد بك (حقیقت سوداسی) سرلوحہ لی مصاحبہ سنده تفکر تاریخہ سریع بر نظر عطف ایتدکن صوکرہ « ... بوعالم فانینك الكواضح و قطبی حقیقتی « حیات » در . » نتیجہ سی جیقاریور . عصری پداغوزینك ده و قراتیک سیستمہ لرینی غمسه مش اولان یکی مکتبلرہ ، چوجوغہ ویریلن معلوماتك منبعنی آراشدیران ایوب حمدی بك (طبیعت) ی کوستریور . معلم روشن بك ، کوی مکتبلرندہ تدریس سیستمك خصوصی وضعیتہ اہمیتلہ اشارت ایتکده ، فردی تعلیم عمدہ سنك اہمیتی کندی شخصی مساعیندن آلدیغنی مثاللرہ آکلایمکده در . « حیات و ادبیات » آدلی مقالہ سلسلہ سی بونسخہ ده ده دوام ایدیور : مقالہ صاحبی افلاطون جمہک کورہ ملی ادبیات اسمیلہ آکلان صوك ادبی تاریخ حلقہ سی ؛ شکلده (کوزل تورکجہ) بی (اوجوزلو لسان) ہ و (ملی وزن) ی (عروضہ) قلب ایتدی ، فقط اعتراف ایدلم کہ اساس و موضوعہ بر تأثیر یابامادی . اوندہ بز یالکز صولویان بر عققك نفس لرینی حس ایدیورز . فقط حیات و جمیت ، سادہ جہ عشق و قادیندیر ؟ .. شہسز خایر ! بناء علیہ بز ، ادبیات و موضوعنك یالکز بر جہہ سی کورن و اوندہ پنککلہ بن بر ادبی سیستمہ (مرضی - پاتولوژیک) قیمت ویرمک مجبوریندہ بز . محرر ، ملی ادبیاتك نصل اولماسی لازم کلہ جکنی کلہ جك مصاحبہ سنہ براقہ جقنی سوبیلہ رک مقالہ سنہ نہایت ویرمکده در . بو ماہیتی ایله دوینور و دوشونجہ ، آنادولودہ چیقان مجموعہ لر ایچندہ جدا کزیدہ بر موقعہ صاحبدر . اوندہ درونی بر صمیمیتك ایچدن کلن بر حملہ و ہیجانك اثرینی کوربیورز . بو اثری یاشانانلرہ عن صمیم موقیتلر دیلرز .

کوتاہیہ . — آنادولودہ ، آنادولونك مرکزی

دینہ بیلا جک بریرندہ اقتصادی بر مجموعہ نك جیقدیغنی کورمک بزلی فوق العادہ ممنون ایدیور . فی الحقیقہ « کوتاہیہ » ؛ کوتاہیہ ده صنایع زراعیہ یوردینك ناشر افکاری اولنك اوزرہ جیقاریلان زراعی - ادبی بر مجموعہ در . باش ماله سی « سوتجیلک » موضوعی اوزرندہ بر مصاحبہ در . کوتاہیہ تجارت اولطہ سی باشکاجی ، کوتاہیہ نك یورطہ تجارتنہ عائد احصائی تدقیقلرہ مستند قیاسی بر مقالہ سنده یورطہ جیلغک و بو تجارت شعبہ سنك ثمرہ دار و فیضی نتیجہ لر ویرہ جك اساس لرینی یوقلاور . آنادولو جفتجینسك بونوع یازیلرہ وارشادلرہ نہ قادار احتیاجی واردر !

فقط نہ دنہ مجموعہ ، بونون صحیفہ لرینی بونوع فکرلرہ حصر ایدہ مش ، بر آز شعر و بر آز

بوی غزتہ رنکی ویرمک ایستہ نمکدر . مسلکی مجموعہ لرک ، ایش بولوملرینك انکشاف ایتدیکی برلرہ ده یاشایہ بیلا جکنی ، بناء علیہ کوتاہیہ کی بریرندہ طوغریدن طوغری به زراعی برنشریاتك ادامہ حیات ایدہ میہ جکنی تقدیر ایتکده برابر بز ، « کوتاہیہ » محررلرینہ ممکن مرتبہ مسلکی دائرہ ایچندہ حرکت ایتلری لزومنی ایلری سورہ جکز . بو ، بلسکہ موقت بر زمان ایچون اطرافدہ علاقہ اوپاندیرمہ جقدر . فقط ثباتکار بر خط حرکت ، جوق امینز ، « کوتاہیہ مجموعہ سی » نہ بر جوق مسلکی موقیتلر تأمین ایدہ جکدر . دہا جوق اقتصادی اولنك ، وفکرلرمزی شائی - ضروری احتیاجلر اوزرندہ اعمال ایتک ، دیلہ دیکمز اقتصادی انقلابی بر آن اول تسریع ایدر . محلی اقتصادیاتك درد لرینہ عائد تشریحلری ، کوبلینك حیاتنہ عائد و ممکن مرتبہ فعلی اولاجق ارشادلری « کوتاہیہ » ستونلرندہ کورمک اک بویوک املمزدر .

نوزدیرمک . — طریزون معلملری طرفندن

جیقاریلان بواون بش کونلک مجموعہ ده ذکرہ شایان یازی ؛ حامی زادہ احسان بلك طریزون شاعرلرندن « فخری » به عائد کوچوک برتدقیقیدر :

فخری ، تقریباً ۱۲۰۰ تاریخلرندہ دوغمش ، عسکرلککہ بغدادہ کیتمش ، تقاعد اولہ رق طریزونہ عودتندہ کندینہ (لسانی برفضاحت) عطف ایدلمش و ۱۲۶۵ تاریخلرندہ چور و کسولی حق پاشانك امریلہ بونی وورولشدر . تصوفی شعرلرندن بریسنی نقل ایدن احسان بك ، بوفضاحتک ماہیتندن بحث ایتہ یور . عرفان بلك (معاصر اخلاقہ کورہ عائلہ) آدلی و سعید بلك (کلہ اصولیلہ القبا) اسملی مقالہ سلسلہ لرلی بونسخہ ده ده دوام ایتکده در .

بویوک آداملر سربسی . — استانبولده

رسملی غزتہ طرفندن نشر ایدیلن رسالہ سلسلہ لرلی ، دوام ایتکده در . ہربری ۱۴-۱۵ صحیفہ دن عبارت اولان بو رسالہ لر ، مختلف علم و تفکر ساحہ لرندہ شہرت قازانمش مؤلف و متفکرلری طائعق غایہ سی کوربیور . ہر نسخہ سنده ، اولا موضوعی اولان آدامک اہمیتی ، سوکرا حیات ، و نہایت اثرلرینہ و قیمتہ عائد مختصر و وجیز معلومات ویرمکده در . رسملی غزتہ ، بو نوع نشریاتیلہ جدا مهم بر خدمت یاپیور . فکری انقلاب ایچون ، خلقہ کتاب او قومتی و بویوک آداملری آکلایغنی ایچون نہ ایی و موقیتلی بر اصول ! بویوک آداملر سہرینك شمدی به قادار سکز فورمہ سی جیقدی : رودن ، ژ. ژ. روسو ، شیخ سعدی ، ناپولیون ، ہوغو ، مولیر ، ... الخ . خلق و مملکت کتبخانہ لرینك اک استفادہ لی و قیمتلی مالزمہ سی اولسی لازم کلن بو فورمہ لرک نشرندن طولانی « رسملی غزتہ » بی تبریک و دوامنی غنی ایتکی « حیات » کندی ایچون بر فریضہ عد ایدیور .

مدیر مسئول : محمد امین

استانبول — ملی مطبعہ